

Laga nos sa!

Nos ta mashá kurioso pa weta e twaikunan òf e poemanan di e alumnonan. Laga nos tambe gosa di nan via e página di Facebook di Anne Frank Huis. Pone un di e resultadonan riba Facebook dor di taip nòmber di e alumno i pais sigui pa e twaiku òf poema. Òf invitá e alumnonan pa bira amigu i hasié nan mes!

 facebook.com/anne-frankhouse



Lesa & skirbi ku Anne Frank

Manual pa dosente i funshonario di biblioteka

(pa hóbennan di 13 te ku 15 aña)

Den e manual akí bo ta haña informashon tokante e eksposishon i e buki di tarea. Banda di esaki bo ta haña tambe ayudo spesífiko pa guia e bishitantenan. Un bishita na e eksposishon ta dura mas o ménos 1 ora, sin inkluí e preparashon di alrededor di 30 minüt.

Hopi éksito!

Resúmen di e programa

- 1 Prent e buki di tareanan (den klas). Alumnonan ta traha e tareanan preparativo den e buki di tarea (opshon 1). Si esaki no ta logra, por hasié na e eksposishon mes (opshon 2).
- 2 Alumnonan ta yega na e eksposishon ku nan buki di tarea.
- 3 Na e panel di introdukshon e guia di eksposishon ta yama nan bon biní.
- 4 Alumnonan ta traha e tareanan preparativo den e buki di tarea, si esaki no a sosodé kaba den klas (opshon 2).
- 5 E guia ta duna un splikashon kòrtiku. Ta parti e grupo na dos.
- 6 Ta indiká kuantu tempu nan ta haña pa traha tur e tareanan (sugerensha: ± 40 minüt).
- 7 Ora tur hende ta kla, por papia brevemente over di e resultadonan den kren i kologá nan riba e panel magnétiko na e eksposishon.

Guia

PA E DOSENTE

Opshon 1: Preparashon den klas promé ku bishitá e eksposishon

Start → prent/nit e buki di tareanan i repartí nan den klas → kuminsá ku e preguntanan preparativo den e buki di tarea (página 1 te ku 6) → referí na e kas virtual di Anne Frank Huis riba www.annefrank.org → bai eksposishon → bon biní i introdukshon dor di e guia di eksposishon → repartishon den 2 grupo → traha sobrá tareanan den e buki di tarea → komentario posterior: ken ke lesa su twaiku o poesia? → klousura dor di e guia di eksposishon.

Durashon di preparashon den klas:
30 minüt

Durashon di bishita na eksposishon:
1 ora

Opshon 2: Preparashon durante bishita na e eksposishon

Start → prent/nit e buki di tareanan i repartí nan den klas → bai eksposishon → bon biní i introdukshon dor di e guia di eksposishon → start konhuntamente ku e páginanan ku tarea preparativo (p. 1 te ku 6) → parti e grupo na 2 → traha tur sobrá tarea → komentario posterior: ken ke lesa su poema o twaiku? → klousura dor di e guia di eksposishon.

Durashon bishita na eksposishon:
1,5 ora

Splikashon ekstenso di tareanan
Buki di tarea, weta página 3.

PA E FUNSHONARIO DI BIBLIOTEKA

Start → prepará e eksposishon (harma + sòru pa skèr/diarionan di Anne Frank/ tòp 20 buki pa hóben) → prepará bon biní & introdukshon → lesa buki di tarea → tuma kon-takto ku dosente: a prepará kaba den

klas òf nò? → risibí e grupo → start ku ruta (weta aki riba) → klousura.

Splikashon ekstenso di Bon biní & introdukshon, weta página 4.



Tep & triki pa e buki di tarea


TAREANAN PREPARATIVO (PAG. 1 TE KU 6)

Konta historia di bida di Anne Frank brevemente i hasi algun pregunta di empatia (Kon abo lo a sintibo/hasi si) Por traha e tareanan preparativo sea den klas (opshon 1) òf na e eksposishon (opshon 2). Por traha nan a base individual òf klasikal. Si bo ta laga traha e tareanan den klas, por hasi uso di e liña di tempu virtual via www.annefrank.org/tijdlijn pa sostené i duna realse na e páginanan akí. E liña di tempu ta duna un imágen virtual di bida di famia Frank.

TAREANAN (PAG. 7 TE KU 12)

Despues di e preparashon e alumnonan ta kuminsá ku e eksposishon den dos grupo. Kada grupo ta kuminsá ku un parti otro di e buki di tarea pa no stroba otro. Ta bon pa kompañá e pregunta 'Kon abo ta pensa?' na página 7 ku un splikashon ku e ayudantenan – Bep Voskuijl, Miep Gies, Johannes Kleiman i Victor Kugler – tabata empleado di e kompania di Otto Frank. Nan tabata trese kuminda, buki di biblioteca, revista, korant i paña i tambe último notisia di loke ta pasa den siudat. E ayudantenan

Ehèmpel di un twaiku over di Anne Frank:



tabata sa ku tabatin kastigu pisá pa hende ku ta yuda hudiu.

Tarea pa skirbi 1

Haiku Twaiku. Alumnonan ta kana bai e parti interior di e eksposishon i ta skirbi un twaiku kontestando algun pregunta simpel. Twaiku ta basá riba 'haiku' hapones i ta un verso di tres liña.

Tarea pa skirbi 2

Poesia over di Anne Frank. Alumnonan ta skirbi un poesia over di Anne Frank i si sobra tempu unu over di

nan mes. E kontestanan riba pregunta simpel ta bai formando e poesia. Reta e alumnonan pa kompartí nan twaiku òf poesia ku e grupo i pa mand'é pa Anne Frank Huis via Facebook na kas.

TEP: Si e alumnonan a skirbi un poesia over di nan mes, por pone nan tur huntu na final. Lesa nan pa e grupo (sin menta nòmber) i laga e grupo rei over di ken e poesia ta bai.

Pa medio di e tareanan kreativo aki e alumnonan lo ripará ku nan tambe por skirbi!

PA E FUNSHONARIO DI BIBLIOTEKA

Bon biní i introdukshon

- 1 Yama tur hende bon biní na e eksposishon!
- 2 Aktivá loke e alumnonan sa kaba ku pregunta: *Ken por bisa mi ken Anne Frank tabata? Kiko el a skirbi? Over di kiko e ta bai?*
- 3 Konta di kiko e eksposishon ta trata, por ehèmpel: *E eksposishon akí ta bai over di Anne Frank komo eskritora. Boso por haña sa mas kos di dje na e eksposishon. Pasobra ken di boso tabata sa ku e tabata skirbi kuenta tambe? Anne tabata skirbi kuenta kòrtiku di kosnan ku tabata pasa den e kas patras. Tin be tambe e tabata inventá kuenta e mes. Nan parse kuenta di ada. E tabata lesa hopi tambe. Boso ta kaweta pa sa kiko? Na e eksposishon akí boso ta haña sa kiko e tabata lesa i ken tabata sòru pa e haña buki.*

RUTA

- 4 Guia e alumnonan durante ku nan ta traha e tareanan. Palabrú un lugá fiho ku e dosente i kompañantenan i delegá: ken ta para na kua parti di e eksposishon?
- 5 Sòru pa sobra 10 minüt pa trata e resultadonan den e grupo.
- 6 Lesa o laga algun mucha lesa nan frase bunita i/òf poesia. Puntra e muchanan kon nan a haña e eksposishon i klousurá. E alumnonan por laga e resultadonan riba e panel (magnétiko) na e eksposishon.

TEP: Bo por pidi algun di e alumnonan pa promoshoná nan buki favorito. Pakiko nan a gusta e buki? Laga nan purba konvensé nan kompañeronan pa lesa e buki!